

Di Scham is eem ingebb

Es gibt alde Kreiznacher „Idiome“, also Werrder, di merr sunnscht in unserm deutsche Schbrächgebrauch nit kennt un aach nit benütze duut, doch aach hiir bei uns, schderwe di langsam aus. Wenn frihjer bei de alde Kreiznacher Peinelichkeide uffkame, so, dass sich eener normal hätt misse schäme, dann saade di Leit: „Aan dem seiner Schdell, deet ich mich schäme wi'je Bettseecher“ – odder, wenn's e'Fraa wa, „wi'je Bettseecherche.“ Mehr is nit gang, um als Kreiznacher sei Schamgefühl auszedrigge, das wa di owwerscht Grenz! Hot merr den Ausdruck iwwer denjenich gebraucht, dann musst der, wanner „Gott im Herze hatt“ – in sich gehen, in sich e'ninn gugge, ob do in-seim Schamgefühl ebbes „schüf ge-



Rudolf Hornberger

über Kreuznacher Idiome

laaf“ is. Der een merkt's, der anner nit. Derhot dann weider sei „Gefühl wi'je Metzjerhund“ in-sich un dem sei Schmerzgrenz, di leit ganz unne, di finnt der aach nit mehr.

Di Griiche heit, di sinn so e'Volk, das so „geposst“ is. Di merke nit, wo's anfängt weh ze duun. Ei mir iss'es schunn peinlich, dass ich solan-

ge Johr mei Rende kriin, wo annere nor zwee, drei odder gakee Rendejohre hadde. Di Scham is eem ingebb, das kammer nit lerne! Was di junge Leit vun heit im Internet, bei „Twitter“ un „Facbook“ Perseentlichen vun sich gewwe, merr kann's nit glaawe! Ich deet mich schäme wi'je Bettseecher, wenn ich so ebbes vun merr gewwe deet.